



DE

POLLICITATIONE INPRIMIS IN SPECIE SIC DICTA

PRAESIDE
DANIELE NETTELBLADT

POT. BORVSS. REGI A CONS. INT.

ACADEMIAE FRIDERICIANAE DIRECTORE

ET ORDINARIO FACULT. IVR.

INCLYTI ORDINIS IVRIDICI CONSENSV

PRO

SVMmis IN VTROQVE IVRE HONORIBVS

RITE CAPESENDIS

DIE FERRVARII MDCCCLXXIX

DISPV TABIT

AVCTOR ET RESPONDENS

CHRISTIANVS HENRICVS BARTH

ANNABERGENSIS

HALAE
LITTERIS CVRTIANIS.



DE
POLLICITATIONE
INPRIMIS
IN SPECIE SIC DICTA

§. I.

Instituti ratio.



De pollicitatione, in primis in specie sic dicta, tam secundum ius romanum, quam secundum ius hodiernum, tenui hoc libello differere, constitui mus. Quod ut ordine fiat, ipsi huius doctrinae tractationi præmittemus ea, quæ ad præcognita eius pertinere videntur.

A

SECT. I.



Not. 1. Dissertationes iuridicæ sunt, vt scripta iuridica in genere, vel legales seu *exegeticæ*, vel *dogmaticæ*, vel *casuisticæ*, prout nimis vel legem quandam explicant, vel theoriam doctrinæ cuiusdam iuridicæ exhibit, vel casum quandam iuridicum ex principiis iuris resolvunt. Nostram quidem dissertationem e genere dogmaticarum esse, per se patet. Regulas autem, secundum quas dissertationes iuridicæ dogmaticae conscribendæ sunt, exemplo docuit Perill. NETTEBLADT in *Diff. de expensarum et pretii restitutione in retrovenditione*. Hal. 1776. 4.

Not. 2. De pollicitatione secundum ius naturale vid. GROTIUS de Jure Bell. ac Pac. lib. II. c. XI. §. 1. 2. 3. 14. PUFFENDORF de Jure Nat. lib. III. Cap. V. §. 6. & Cap. VI. §. 215.

S E C T. I.

PRAECOGNITA DOCTRINÆ DE POLLICITATIONE INPRIMIS IN SPECIE SIC DICTA.

§. 2.

Praecognitorum capita.

Præcognita doctrinæ de pollicitatione, in primis in specie sic dicta, redeunt ad duo haec capita, quorum primum est de fontibus, & alterum de scriptis huius doctrinæ.

§. 3.

Fontes huius doctrinæ.

Duo sunt fontes doctrinæ de pollicitatione, in primis in specie sic dicta. I.) Primus fons sunt leges, in corpore iuris civilis super pollicitatione in primis in specie sic dicta, extantes. Pollicitatio enim in primis in specie dicta, si originem eius spectes, e iure romano descendit; ideoque ante omnia videndum, quae

de

de ea extent leges romanae. Exhibitent hasce leges titulus Pandectarum (Lib. L. tit. XII.) de pollicitationibus. Omnes enim, quas ille titulus continet leges, agunt de pollicitatione in primis in specie sic dicta, excepta lege secunda, ubi de voto agitur. Praeterea pollicitationis in specie quoque mentio fit in l. 46. §. 1. D. de administr. & perecul. tut. l. 6. §. 1. D. de munere. & honor. l. 5. D. ad leg. falc. et in l. unic. C. de ratiocin. oper. publ. II.) Alter fons huius doctrinæ est analogia iuris, tum romani, tum reliquorum iurium, quibus in Germania vtimur, quatenus haecce iura continent principia, quae in determinandis iuribus & obligationibus circa pollicitationem in primis in specie sic dictam usum praestant. Quemadmodum enim in tota iurisprudentia positiva ad analogiam iuris recurrendum est, si de re quadam deficiunt leges expressæ, attamen principia iuris adsunt, ex quibus, quid circa eam iustum est, definiri potest: ita illud hoc quoque loco obtinet. Non solum autem *analogia insensu stricto*, per quam intelligimus, si a simili argumentum ducitur, sed & *reliqua iuris analogia usum* nobis præstat in explicando iure pollicitationum. Etenim pollicitationi in specie similia sunt votum, pactum, & in primis donatio; ergo ab his ad pollicitationem recte argumentamur. Reliquæ vero iuris analogiæ, præter strictè sic dictam, toties locus est, quoties quæstiones de pollicitatione in primis in specie sic dicta incident, quæ ex generalioribus iuris principiis, veluti de statu servorum apud Romanos, de peculio filiorum fam. &c. definiendæ sunt. Vtramque iuris analogiam uberrimum esse fontem nostræ doctrinæ, ex ipsa eius

A 2

tracta-

tractatione abunde constabit. Ceterum de analogia iuris vid. Perill. NETTEBLADTII *Nova Introd. in iurispr. pol. germ. commun.* §. 483. seq.

Not. Nec in iure canonico, nec in legibus germanicis vñiversalibus, quicquam de pollicitatione in specie cautum legimus.

§. 4.

Scripta de pollicitatione in primis in specie sic dicta.

MARTIN. LIPENIVS in *Biblioth. iurid.* (edit. Lips. 1757. fol.) & V. C. AVG. FRID. SCHOTT in *Lipenii Biblioth. iurid. Suppl.* ac *Emendat.* (ibid. 1775. fol.) sub voce: *pollicitatio*, haec scripta referunt:

- 1) PYRRH. ALPHANVS *de Pollicitationibus et pactis.* Lugd. 4. Verus ac integer titulus huius scripti, vt NICOL. TOPPI in *Biblioteca Napolitana* (in Napoli 1678. fol.) pag. 253. refert, ita se habet:

De Pollicitatione, Pacto & Contractu ad Rub. ff. de Verbor. oblig.
Neap. apud *Constantinum Vitalem* 1604. in 4.

- 2) GVIL. LEYSERI *Disp. de pollicitatione et voto.* Viteb.
Haec disputatio eadem esse videtur cum WILH. LEYSERI *Diff.* inaug. ad L. si quis II. D. *de pollicitat. vbi de votis Praefide ion.* STRAVCHIO habita Jen. 1657. quam LIPENIVS in *Bibliotheca sua*, sub voce: *votum*, allegavit, quæque, vt monuit V. C. SCHOTT in *Suppl.* ac *Emend.* quoque extat in AHASV. FRITSCHII *Dissertat. legal.* (Rudolst. 1671. 4.) p. 410-440. Nam WILH. LEYSERVUM, præter hanc disputationem, aliud de pollicitatione & voto edidisse scriptum, nulla extat memoria: illa autem disputatio non nisi de votis agit. Quapropter hoc scriptum delendum est sub voce: *pollicitatio*. LAVR. ANDR. HAMBERGER in vita Jo. Strauchii (in EIVS Opuscul. p. 433. seq.) mentionem facit programmatis Jo. Strauchii *de pollicitationibus.* Fortassis est programma inaugurale ad dictam WILH. LEYSERI disputationem inauguralem.

3,) HENR.

- 3) HENR. BOGER *Disp. de obligationibus & pollicitatione.* In EIVS *Disp. iurid.*
- 4) CHRISTOPH. CASPARI *Diff. de pollicitationibus.* Arg. 1650. 4.
- 5) QVIR. SCHACHERI *Disp. de pollicitatione* Lips. 1654. 4. Plenus titulus huius disputationis est: *de pollicitatione eiusque actione exinde descendente.*
- 6) CHR. CASP. STOECKKEN *Disp. de Pollicitatione.* Arg. 1650. 4. Auctor huius dissertationis est GERARD VON STOEKKEN: a quo tres dissertationes habitæ sunt de pollicitatione, quarum prima Argent. 1650 defensa est. Haec autem tres dissertationes postea, sub nomine præsidis, iunctim prodierunt Argent. 1679. 4.
- 7) PETR. MASCOVII *Disp. de pollicitatione & voto.* Gryphisw. 1703.
- 8) DIDER. ROSENCAMPII *Disp. de obligatione pollicitationis.* Duisb. 1729. 4.

Ceterum hoc adhuc monemus, pollicitationem in specie explicasse *Chriſt. Casparum, Quir. Schacherum*, et, qui latissime de ea scripsit, GERARD. VON STOEKKEN, reliquos autem simul et alia tractasse. Sic Petr. Mascov Sect. I. de pollicitatione in specie sic dicta, et Sect. II. de voto egit, nec non Dider. Rosencamp Cap. I. de obligatione pollicitationis in genere, Cap. II. de obligatione pollicitationis factæ privatis, Cap. III. de obligatione pollicitationis factæ reipublicæ, & Cap. IV. de obligatione pollicitationis Deo factæ, sive de voto, commentatus est.

S E C T I O II.

TRACTATIO IPSA DE POLLICITATIONE IN PRIMIS IN SPECIE SIC DICTA.

§ 5

Ordo tractationis ipsius.

Postquam de iis, quæ ad præcognita nostræ doctrinæ pertinere videntur, quod satis est, diximus, ad ipsam tractationem

tionem ut progrediamur, instituti ratio postulat. Quia quidem in re ita versabimur, ut primo capite de pollicitatione in genere, altero vero de pollicitatione in specie exponamus.

C A P. I.

DE POLLICITATIONE IN GENERE.

§. 6.

Pollicitatio in genere quid?

Pollicitatio in sensu iuridico, attamen generali, nihil aliud est, quam promissio a promissario non acceptata. Ex quo per se patet, quis *pollicitans*, seu *pollicitator* in genere nominandus sit. VLPIANO in l. 3. *D. de pollicitat.* pollicitatio in genere est *offerentis solius promissum*. Sed nostra definitio magis placet.

§. 7.

Not. 1. De etymologia vocabuli pollicitationis vid. GERARD. von STOEKKEN in *Diss. de pollicit.* Quæst. I. §. I. II. & III. PETR. MASCOV in *Disp. de pollicitat.* Et voto Seſt. I. §. II. &, qui novum etymon eruisse sibi visus est, DIDER. ROSENAMP in *Disp. de obligut. pollicitat.* Cap. I. §. XXI. & XXII.

Not. 2. Hæc significatio pollicitationis in genere præcipua & frequens est in iure nostro. Sed præterea adhuc in duplice sensu obvenit. I.) Primum nempe generatim sumitur pro qualibet promissione. Quo sensu & substantivum *pollicitatio*, & verbum *polliceri*, sepiissime occurunt, tum in libris iuris civilis ut in l. 43. §. I. *D. de contrah. ent.* l. I. §. 8. *D. de dot. collat.* l. 3. *C. de donat. ante nupt.* l. 6. *C. de dot. promiss.* Et *nuda pollicit.* tum apud alios auctores latinos. Inprimis prætor aetionem iudiciumve pollicere dicitur, qui daturum se actionem iudiciumve edicit, in l. I. §. 23. *D. de exercit. act.* l. 3. *D. de sepulcr. viol.*

Obſer-

Observandum præterea est, verbum *polliceri*, contra Grammaticorum, regulas, passive ponit ab VLPIANO in l. I. §. 18. *D. de exercit. act.* Vid. CAR. ANDR. DVCKER *de Latin. ICTORUM vet.* (edit. Lips. 1773. 8.) pag. 302. II) Deinde aliquando pollicitatio speciatim accipitur pro promissione privata sponte facta, seu pro pacto nudo. Sic VLPIANVS in l. 19. §. 2. *D. de Aedil. edit.* Promissum autem referri potest et ad nudam promissionem sive pollicitationem, vel ad sponsum, nec non IMP. DIOCLET. & MAXIM. in l. 5. *C. de contrah. & committ. stipul.* Nuda pollicitatione secundum ea, quæ saepe constituta sunt, ad praestanda ea, quæ promiserat, urgeri quemquam, non semper iura permittunt. Conf. BARN. BRISSONIVS *de Verb. Signif.* (edit. noviss.) p. 1070.

§. 7

Pollicitationis in genere differentia a pacto.

Pollicitatio in hoc sensu differt a pacto, & quidem in eo, quod pactum sit promissio a promissario acceptata, pollicitatio autem nullam requirat acceptationem. VLPIANVS in l. 3. *pr. D. de pollicit.* Pactum est duorum consensus, atque conventionis: seu, ut plenius in l. I. §. 2. *D. de pact.* definitur, duorum pluriumve in idem placitum consensus. Pollicitatio vero offerentis solius promissum. Vid. PET. MASCOV *Diss. de pollicit.* Et voto. Sect. I. §. XIX. Si acceptatio accedit, pactum fit. Vid. IAC. CVIACIT *Observat. et Emend. Lib. XIX. Cap. XXXII.*

§. 8.

Pollicitatio quotuplex?

Pollicitatio in sensu §. I. tradito, si ab effectu civili consideratur, est vel *nuda* seu *iuris gentium*, quæ nullam obligacionem civilem producit, vel *non nuda* seu *legitima*, quæ obligacionem

nem civilem producit. Conf. LAVTERBACH *Colleg. theor. pract.*
ad Pand. tit. de *Pollic.* §. II. GODOFR. LVDOV. MENCKEN *de Action.*
forens. Sect. II. Cap. II. Membr. 1. §. 2. CHRISTOPH. CASPAR *Diss.*
de pollicitat. §. IV. PETR. MASCOV *Disp. de pollicitat. et voto Sect. I.*
§. VII.

§. 9.

Pollicitatio nuda quae?

Pollicitatio privato facta nuda est. *Privatus* hoc loco vocatur, qui nec respublica, nec Deus est, ut in sequentibus latius exponemus. Eiusmodi enim pollicitationi nulla vis ac potestas obligandi a legibus civilibus tributa est. PAVLVS *Sent. recept.* lib. V. Tit. XII. §. 9. *Ex nuda pollicitatione, nulla actio nascitur:* ideoque eius bona, qui se heredem Imperatorem facturum esse iactaverat, a fisco occupari non possunt. Vid. plura hac de re disputantem DIDER. ROSENAMP in *Diss. de pollicitat. obligat.* Cap. II.

§. 10.

Pollicitatio non nuda quotuplex?

Pollicitationis non nudae vero duæ sunt species, nimirum *pollicitatio in specie*, seu *κατ' έξοχήν sic dicta*, et *votum*, prout vel reipublicæ, vel Deo facta est. Nos quidem vnice de pollicitatione in specie sic dicta acturi sumus, quam et in sequentibus semper intelligimus, si de pollicitatione simpliciter loquimur.

CAP. II.

C A P. II.

DE POLLICITATIONE IN SPECIE SIC DICTA.

§. 11.

Pollicitatio in specie quid?

Est igitur *pollicitatio in specie sic dicta* ea pollicitatio non nuda (§. 8.), quae reipublicæ facta est. Recte se habere hanc definitionem, docent l. 1. pr. & §. 4. 5. l. 4. l. 6. §. 3. l. 9. l. n. l. 13. §. 1. D. de *pollicit.* l. 5. D. de *oper. publ.* Vid. 10. ORTW. WESTENBERG *Divus Marcus Dissert.* XXV. §. n. 10. GOTTL. HEINECCHI *Elem. Jur. civil. sec. ord. Pandect. tit. de pollicit.* §. CCCXXXIII. Sub reipublicæ nomine vero hic quoque civitates continentur, ut et alibi passim. Conf. BARN. BRISONIUS *de Verbor. signif.* voce: *respublica*, et vocib. *abesse reipublicæ causa.* Patet hoc ex l. 1. §. pen. D. eod. vbi: *si columnas Citiensibus promisisti &c.* Citenses erant incolæ Citii, meridionalis Cypri oppidi, coloniae Phoenicum, de qua vrbe, portu egregio instructa, plura videri possunt apud MEVRSIUM in *Cypro Lib. I. cap. X.* Conf. AEGID. MENAGII *Jur. civ. Amoen. Cap. XIII.* nec non WUNDERLICH *Addit. ad Brissonium de Verb. Signif.* (Hamb. 1778. fol.) sub hac voce. Evolvas porro l. 8. D. eod. vbi: *si opus proscenii,* quod se *Gabinis exstructurum promisit;* et in fine d. l. *fundum,* quem *in territorio Gabiniorum habet.* Gabini, seu Gabini sunt vrbis Gabiniorum seu Gabinae cives: quae vrbis fuit Volscorum, Albanorum colonia, via Praenestina ad centesimum ab vrbis R. stadium, olim populosâ nullique amplitudine aut splendore inferior. Vid.

DION. HALICARNASSEVS Lib. IV. Antiq. Rom. c. 60. Ab ea et porta ex via Gabina, Gabina lex, Gabini cinctus, nec non ager Gabiniensis nomen habent. Huiusmodi pollicitationem non nudam esse, seu obligationem civilem producere, (dummodo habeat requisita, de quibus in sequentibus dicendi locus erit), manifestum est ex l. i. §. 1. l. 4. l. 6. §. 2. l. 7. l. 9. l. 13. l. 14. D. de pollicit. l. vn. C. de ratioc. oper. publ. et l. 6. §. 1. D. de muner. et honor. Denique ex his facile intelligitur, quis pollicitans seu pollicitator in specie vocandus sit.

Not. 1. Pollicitatio in specie sic dicta vario sub nomine venit in legibus nostris. Sic in l. i. §. 5. D. de pollicit. vocatur *liberalitas*, in l. 18. D. eod. *gratia* in l. 13. §. 1. *donatio*, quemadmodum pollicitans *donator* in l. 9. D. eod. & in l. 13. §. 1. D. eod. *donare* dicitur, in l. 3. D. eod. *promissum*, quemadmodum pollicitator *promittere* dicitur in l. 1. §. 1. 2. 5. D. eod.

Not. 2. Atheniensium lege, pœnam capitis constitutam fuisse adversus eos, qui, quod promiserant reipublicæ, non facerent, refert DEMOSTHENES. Πρὸς λεπτήν, ἐξ δὲ δῆπον, inquit, νόμος ὑμῶν, ἔαν τις ὑποσχόμενος τι τὸν δῆμον ἢ βουλὴν, ἢ δικαιστηρίῳ, ἔχειται, τὰ ἐσχάτα πάσχειν. Porro vobis lex est, si quid quis populo, aut senatoribus, aut indicibus pollicitus, sefellerit, ultima patiatur. Vid. FR. CONANI Comment. Jur. Civil. Lib. V. cap. VIII. in fin.

§. 12.

Exempla pollicitationum apud scriptores Romanos.

Varia exempla pollicitationum extant apud scriptores Romanos. MODESTINVS in l. 10. D. de pollicit. Septicia certamen patriae suae pollicendo, sub hac conditione pollicita est, uti sors apud eam remaneat, & ipsa usuras semiſſales ad præmia certantium resolvat,

in haec verba. Φιλοτιμοῦμαν καὶ καθιερῶ ἀγῶνα τετραετηριῶν ἀπὸ μυριάδων τριῶν, τὸ τοῦ κεφαλαιοῦ σύντη κατέχουσα ἀργύριον, καὶ εἰσφαλιζομένη παρὰ τοῖς δεκαπέρωτοις ἀξιοχρέωις ἐπὶ τῷ τελεῖν με τὸν ἐξ ἔθους τριῶν μυριάδων τόκον, ἀγωνοθετοῦντος καὶ προκαθεζομένου τοῦ ἀνδρὸς μου, ἐπένθιτος δὲ τὸν ἐξ ἐμοῦ γεννηθησομένων τέκνων. χωρήσει δὲ ὁ τόκος ἡς τὰ ἀθλα τὸν θυμελιῶν, καθὼς ἂν ἐφ ἐκάστου ἀθλήματος ἡ βουλὴ ἔριστη. Vulgata versio: *Largior et dedico agonem quadriennalem ex triginta millibus, fortis ipsa penes me retinens pecuniam, & cavens apud Decemprimos idonee super pendendis a me solitis triginta millium usuris, agonotheta & praefide futuro viro meo, & deinceps liberis ex me nascitulis. Cedent autem haec usuræ in præmia thymelicorum, prout in unoquoque certamine curia determinabit.* HAL. in Græcis ita verit: *Ex liberalitate ac munificentia dedico quadriennale certamen de triginta millibus fortis: ita quidem, ut, pecunia apud me rentata, apud Decemprimos, de præstandis in editionem consuetis triginta millium usuris idonee caveam: designatore ac præfecto marito meo, & deinceps qui ex me nascentur, liberis. cedent autem haec usuræ in præmia Thymelicorum, prout unoquoque in certamine senatus definierit.* IO. FRID. GRONOVUS de pecunia veteri Lib. IV. c. II. p. 330. τὸ pollicendo tanquam a librariis intrsum eiiciendum esse censet. Sed recte monuit H. G. van VRIHOFF in Observat. Jur. Civ. C. I. p. 2. adesse tantum tautologiam & ideo refinendam esse hanc vocem. Notandum enim est, saepissime occurrere tautologias, tum apud iureconsultos, tum apud alios optimos auctores latinos, nec ideo aliquid mutandum esse. Semif. B 2 sales

sales vſiræ hic dicuntur pro semissibus. Conf. GER. NOODT de *Fæn. & Vſur. Lib. II. cap. X.* Vocabulum *Agonis* græcum idem est, quod certamen, & *ago quadriennalis* dicitur certamen, quod quarto quoque anno instauratur. *Decemprimi* in hac lege dicuntur, qui *decaprota* vocantur in l. 3. §. 10. l. vlt. D. de mun. & honor. quorumque officium *decaprotia* in l. vlt. §. 26. D. de mun. & honor. l. 8. C. de mun. patrimon. & decemprimatus in l. 1. D. de mun. & hon. nec non in l. 7. l. 8. l. 9. C. Tb. de domeſt. & protect. appellatur. Erant autem Decemprimi ex decurionum ordine constituti, qui tributorum exactioni ita præerant, vt si qua detrimenta fiscus defunctorum culpa contraheret, ipsi suis sumtibus resarcirent. *Agonothetæ* dicuntur, qui certamini præerant, & verbum ἀγωνοθέτειν idem est, quod ludis præsidere in l. 6. D. de ann. legat. Solebant enim veteres, aliquem sibi constituere, qui certaminibus ludisque, sive scenicis, sive gladiatoriis, præsideret, idque munus ad principem in vrbe, aut, eo recusante, ad magistratus delatum, ex SUETON. Aug. Cap. XI. V. & Caligula Cap. XVIII. discimus. *Thymelici*, interprete ISIDORO Lib. XVIII. cap. 47., sunt musici scenici, qui organis & lyris & citharis præcinebant. Iudeque dictos ait, quod olim in orchestra stantes cantabant super pulpitum, quod Θημέλη vocabatur. Eorum etiam fit mentio in l. 4. D. de his, qui not. inf. Curia denique hoc loco significat collegium decurionum, quemadmodum & alibi in hoc sensu usurpatur. Confer. BARN. BRISSONIVS de Verb. Signif. ad has voces. Sunt & alia exempla pollicitationum. Sic PLINIUS Lib. VI. Epift. vlt. ad Maximum. Recete feſti,

cifti, quod gladiatorium munus Veronensibus nostris promisisti. IDEM Lib. X. Epift. 48. ad Traianum. Huic theatro ex privatiorum pollicitationibus multa debentur, vt basilicæ circa, vt porticus supra caveam. IDEM Lib. V. Epift. 12. ad Fabatum. Accipi litteras tuas, ex quibus cognovi, speciosissimam te porticum sub tuo filiique tui nomine dedicasse; sequenti die in portarum ornatum pecuniam promisisti, vt initium novae liberalitatis esset consummatio prioris. IDEM denique Lib. VII. Epift. 18. ad Caninum. Deliberas mecum, quemadmodum pecunia, quam municipibus nostris in epulum obtulisti, post te quoque salva sit. Honesta consultatio, non expedita sententia. Numeres reipublicae summam? Verendum est, ne dilabatur. Des agros? ut publici, negliguntur. Evidem nihil commodius invenio, quam quod ipse feci. Nam pro quingentis millibus nummum, quae in alimenta ingenuorum ingenuarumque promiseram, agrum ex meis longe pluris actori publico mancipavi: eundem, vectigali imposito, recepi, tricena millia annua daturus. Per hoc enim et reipublicae fors in tuto, nec reditus incertus, et ager ipse propter id, quod vectigali large supercurrit, semper dominum, a quo exerceatur, inveniet. Huius pollicitationis a Plinio factae duplex inscriptio inventur apud GRATERVM in Corp. Inscript. De altera vid. p. MXXVIII. n. 5. vbi ita legitur: Mediolani in Ambroſii templo, in tabula, cuius scriptura introrsus posita, marmore aptato ad tumulum, quem vulgo vocant, Reginat ita vt nisi ab iis, qui sepulcrum id ingrediant, legi nequeat:



C. PLINIUS. L. F. OUFF. CÆCILIUS.

AUGUR. LEGAT. PROCONS. PR. PROVINCIAE PONTICÆ.

CONSULARI. POTESTAT. IN. EAM. PROVINCIAE ET.

IMP. CÆSARE. NERVA. TRAIANO. AUG. GERMANICO.

CURATOR. ALVEL. TIBERIS. ET RIPARUM. ET.

PRÆFECT. AERARI. SATURNI. PRÆF. AERAR. MIL.

QUÆST. IMP. SEVIR. EQVITUM

TRIB. MILIT. LEG. III. GALLICAE.

X. VIR. STLTIB. IVDICANDIS. THER. . . .

ADIECTIS. IN. ORNATUM. H-S CCC.

AMPLIUS. IN. TUTELA. H-S CC T. F. I. . . .

ET. LIBERTORUM. SUORUM. NOMIN. H-S [XVIII.] [LXVI.] DCLVI. REI.

INCREMENT.... POSTEA. AD. EPULUM. PLEB. VRBAN. VOLVIT. PERTINERE.

AMPLIUS. DEDIT. IN. ALIMENT. PUEGOR. ET. PUELLARUM. PLEB. VRB. H-S.

. . . IN. TUTELAM. BIBLIOTHECÆ H-S. C.

. .


Eiusdem inscriptionis fragmentum, valde tamen mancum, ex-
tat apud EUNDEM p. CCCCLIV. 3. 5.

§. 13.

Pollicitatio quomodo differat a pacto, donatione & voto?

Pollicitatio differt tum in genere a pacto, tum in specie a
donatione, scilicet pro pacto sumta, nec non a voto. A pa-
cto quidem differt non solum in eo, quod acceptationem non
requirat, vt supra §. 8. vidimus, sed & longe plures sunt dif-
ferentiae inter pactum & pollicitationem, vti ex sequentibus pa-
tebit. Vnde eorum sententiae subscribere non possumus, qui,
vt GOTTL. GERH. TITIUS in *Jur. priv. Rom. Germ. lib. IV.*

c. XIII.



c. XIII. & in *Off. ad Lauterb. off. 1494. jo. TOE. CAR-*
RACH in Adnot. ad Bæbmeri Doctr. de Action. (Hal.
1775. 8.) p. 288. aliique pollicitationem pacti speciem, & consen-
su reipublicæ aut tacito, aut factio; niti arbitrantur. Vid. GER.
von STOEKKEN Diff. de pollicit. Quæst. II. Si acceptatio acedit,
pactum fieri, nullum dubium est. Conf. dicta §. 7. in fin. Et quam-
vis pollicitatio sit species donationis, latius nempe pro quolibet li-
beralitatis actu sumtae, L. 29. D. de donat. quo sensu & legatum
donatio dicitur a IUSTINIANO in §. 1. Inst. de legat. quid? quod
pollicitatio etiam donatio in l. 13. §. 1. D. de pollicitat. & pollicitans
donator in l. 9. D. eod. appetetur; magnum tamen intercedit dis-
crimen inter pollicitationem, & donationem strictius & pro pa-
cto sumtam. Vid. GERH. von STOEKKEN Diff. cit. Quæst. III. & in-
primis GER. NOODT de Fæn. & Vfur. Lib. III. cap. 7. in fin. Tan-
dem quo modo differat pollicitatio in specie a voto, ex dictis
§. 6. facile est ad animadvertisendum.

§. 14.

Usus hodiernus doctrinæ de pollicitatione.

Ante ius Romanum receptum in Germania pollicitationes
incognitæ fuisse videntur Germanis: sed postquam illud est re-
ceptum, pollicitationes quoque ad nos sunt delatae, & in vnu
esse cooperunt, licet sint rariores, ut testantur, qui de praxi iu-
ris romani in foris nostris scripserunt. Quæ quum ita sunt, faci-
le est ad intelligendum, pollicitationes hodie vnicce fere ex prin-
cipiis iuris Romani esse dijudicandas. Vid. SAM. STRYCKII *Vsus*
Modern. Pandest. hoc tit. 10. SCHILTERI Praxis Jur. Rom. in
for.

for. germ. hoc tit. GEORG. AD. STRVV *Syntagm. iur. civ. eod. tit.*
PET. MASCOV *Disp. de pollicitat. & voto. §. XXI.*

§. 15.

Quis possit polliceri?

Qui pollicetur, promittit, per notissima iuris scien-
tiae principia. Iam vero, qui promittere vult, in eo requiritur,
1) vt habeat vsum rationis, saltem tempore factæ promissio-
nis, deinde 2) vt voluntatem suam sufficienter declarare pos-
sit per verba aliave signa voluntatis nostræ, & denique 3) vt
talis sit, qui se aliis obligare potest: quæ tria principia ex ipsa
notione promissionis deducuntur. Ergo, qui polliceri vult, vt
iisdem gaudeat requisitis, necesse est. Quapropter polliceri
quidem possunt *masculi & feminæ*, vt VPLANVS ait in *I. 6. §. 2.*
D. de pollicit. adeoque & *cœci*, *muti*, *surdi &c.* add. *arg. I. 4.*
§. 1. D. de pact. I. 48. I. 52. §. pen. D. de O. & A. & in genere
qui mox traditis requisitis instructi sunt: sed contra polliceri ne-
queunt, qui vno ex hisce requisitis destituuntur. Ex eo sequi-
tur, vt polliceri nequeant, 1) qui vsum rationis non habent, saltem
tempore factæ pollicitationis: ideoque polliceri non possunt a)
furiōsi & mente capti qua tales, add. *arg. §. 8. Inst. de inutil. stip.*
I. 5. I. 40. D. de R. I. Quin hi tempore dilucidi intervalli re-
ste polliceantur nullum dubium est. Porro huc pertinent b)
infantes, add. *arg. §. 9. Inst. de inutil. stip.* c) summe ebrii add.
arg. c. 14. X. de vita & boneſt. cler. Ex eodem prin-
cipio sequitur, vt polliceri nequeant 2) qui volunta-

tem

tem suam sufficienter declarare non possunt, & denique 3)
qui tales sunt, vt se aliis obligare nequeant. Quam ob rem
polliceri nequeunt a) *impuberes*, quippe qui sine auctoritate tu-
torum civiliter sese obligare nequeunt *I. 6. D. de V. O. I. 5. I. 9.*
de auctor. tutor. tutor autem non facile auctoritatem suam inter-
ponet *arg. I. 16. C. de adm. tut. I. 22. I. 46. D. de donat.* ergo ge-
neratim afferere licet, impuberes polliceri non posse; & b) *pro-
digii civiliter tales*, qui rem quandam polliceri volunt, quia
prodigi de rebus suis sine consensu curatoris disponere nequeunt
I. 40. D. de R. I. I. 1. D. de cur. furios. Sed nec curator prodigi facile
consentiet, ergo itidem generatim dici potest, prodigos res suas
polliceri haud posse. Ad *minores* quod attinet, de iure romano di-
stinguendum est, vtrum curatorem habeant, nec ne. Si prius, polli-
citatio vel concernit bona eorum vel minus, seu consistit in simplici
facto. Priori in casu minores sine consensu curatoris polliceri ne-
queunt, quia minores in negotiis, quæ bona concernunt, sine
curatoris consensu civiliter se obligare nequeunt *I. 3. C. de in-
tegr. restit. min.* Curator autem non facile consensum dabit in pol-
licitationem minoris *arg. I. 16. C. de administ. tut. I. 22. I. 46.*
§. vlt. D. de donat. ergo generatim affirmare licet, minores hoc
casu polliceri haud posse. Posteriori in casu minores recte
pollicentur, etiam sine consensu curatoris, quia in negotiis me-
re personalibus minores valide se obligare possunt, nec in iis con-
sensu curatoris opus habent *I. 26. C. de administr. tut. I. 10.*
D. de V. O. I. 43. D. de O. & A. I. 8. C. de nupt. Cuius rei ra-
tio hæc est, quod de iure romano curatores primario rebus &

C

secun-

secundario personis dabantur §. 4. *Inst. qui test. tut.* §. 2. *Inst. de curat.* Secus vero se res habet, si minores curatorem non habent, (quali iure antiquo, scil. ante Constitutionem M. Aurelii Antonini Imp. cit. §. 2. *Inst. de curat.* non indigebant, bene vero iure novo, nempe post illam Antonini constitutionem indigent), quippe hoc casu recte pollicentur: quoniam tunc civiliter se obligare possunt l. 3. *C. de integr. rest. min.* Sed merito quaeritur, vtrum minor, qui pollicitus est, gaudeat beneficio restitutionis in integrum praetoriae? Quod affirmare nulli dubitamus. Vid. tit. *D. de minor.* XXV. ann. & interpretes ad hunc titulum. Quamvis enim reipublicae ad exemplum minorum concessa sit restitutio in integrum, l. 3. *C. de iure reipubl.* l. 4. *C. quib. ex caus. mai.* ideoque respublica aequa privilegiata sit hac in causa ac minor, contra aequa privilegium vero restitutio in integrum locum non habeat, l. 34. l. 11. §. 6. *D. de minor.* XXV. ann. aliud tamen obtinet, si alter certet de damno vitando, & alter de lucro captando dict. l. 34. *de minor.* XXV. ann. l. fin. *D. ex quib. caus. mai.* Conf. ZACHAR. HUBERI *Diss. de obligatione puberum ad l. 101. ff. de V. O. in eius Dissertat. iurid. & philolog.* (Franeq. 1703. 4) pag. 369. seqq. Sed iure hodierno minores indistincte fine consensu curatoris (des Vormundes) polliceri nequeunt. Nam apud nos nulla est differentia inter impuberis & minores, nec inter tutores & curatores aetatis, & curator (der Vormund) aequa principaliter datur personis ac rebus. Vid. *de SELCHOW Elem. iur. germ. priv. bod.* §. 197. & §. 514. Quumque curator minoris (der Vormund) apud nos aequa minus consensum

sum

suum dabit in pollicitationem pupilli (des Unmündigen) ac iure romano tutor in genere, aut curator in specie, in casu, si minor bona esset alienaturus, consentire potest, sequitur, ut hodie minores plane non possint polliceri. Praeterea notandum, in iis Germaniae territoriis, vbi cura sexus obtinet, ad validitatem pollicitationis, a femina factae, consensum curatoris sexus omnino necessarium esse. Vid. *de SELCHOW Elem. Jur. germ. priv. bod.* §. 519.

§. 16.

Vtrum servi et filiifamilias possint polliceri?

Servi ex principiis iuris Romani polliceri nequeunt. Ii servos enim nulla cadit obligatio civilis l. 14. l. 21. *D. de O.* & *A.* quippe qui iure civili pro nullis habentur. l. 32. *D. de R.* I. Neque manumissi ex sua pollicitatione, quam in servitute fecerunt, tenentur servi, vid. tot. tit. *C. an servus pro suo facto manumiss. teneat.* Secus vero se res habet, si servus accidente auctoritate domini pollicitus fuerit: quo casu omnino obligatur arg. l. 2. §. 2. *D. de pollicit.* & l. 7. *D. de donat.* quod tamen non ita intelligendum, ac si servus ipse teneatur, sed potius, vt dominus, ex consensu suo interveniente, obstringatur ad pollicitationem, a servo auctoritate sua factam, adimplendam. Vid. LAVTERBACH in *Colleg. theoret. pract. tit. de pollicit.* §. IV. Homines proprii (die Leibeigene) in Germania possunt polliceri, quatenus pollicitatio non tendit in praeiudicium iurium domini (des Leibherrn) in hominem rusticum. Vid. *de SELCHOW Elem. iur. germ. priv. bod.*

C 2

§. 380.

§. 380. seq. Filiisfamilias vero polliceri possunt. Nam hi civiliter obligantur l. 57. D. de indic. l. 39. D. de Obl. et. Act. dummodo sint iustae aetatis. Sed filiusfamilias, qui pollicitus est rem quandam, vel habet peculium, de quo saltem inter vivos libere disponere potest, siveque aut peculium militare, aut peculium adventitium irregulare, vel minus. Si prius, etiam stante patria potestate executio fieri potest in hocce peculium filiiisfamilias l. 3. C. de castrensi. pecul. l. 6. C. de bon. quae liber. Nov. 17. c. 1. §. 1. si posterius, executio differenda est, vsque dum sui iuris factus l. 5. pr. D. quod cum eo qui in al. potest. At merito hic quaeri potest, vtrum filiusfamilias, qui pollicitus est, si postea emancipatus, aut exheredatus, aut in minima parte institutus esset, vel ab hereditate paterna abstinuisset, gaudeat beneficio competentiae? Quod omnino affirmandum esse arbitramur. Datum est hoc beneficium filiiisfamilias in l. 2. D. quod cum eo qui in al. pot. add. l. 4. l. 5. eod. tit. Videsis plura hac de re apud interpretes ad dictum tit. D. quod cum eo qui in al. pot. Ceterum si filiusfam. pollicitus fuerit cum consensu patris sui familias, vtrumque, & patrem & filiumfamilias, teneri, facile est ad intelligendum arg. l. 2. §. 2. D. de pollicit. nec non arg. l. 7. pr. §. 1. 2. 3. l. 7. §. 1. Et vlt. D. de donat.

§. 17.

Cui fiat pollicitatio?

Pollicitationem reipublicae fieri, iam ex ipsa definitione pollicitationis supra §. 11. tradita intelligitur: vbi et, quid hic

sub

sub reipublicae nomine veniat, a nobis expositum est. Supereft tamen, vt videamus, num idem ius quoque in aliis vniversitatibus personarum obtineat? Evidem de iure romano soli reipublicae polliceri quis potest. Est enim ius singulare reipublicae, pollicitationem ipfi factam obligationem civilem parere, ius singulare autem non producendum esse ad consequentias, tum ex ipsa notione iuris singularis fluit, tum expresse dictum legitur in l. 14. D. de LL., ergo nec hoc ius singulare reipublicae in argumentum trahi potest, ideoque aliis vniversitatibus, praeter rempublicam, competere nequit. Doctorum vero non est, privilegia iurave singularia concedere, vel ea interpretando porrigeare ad species legibus non expressas. Quae quidem, etsi vera immo verissima, sunt tamen haud pauci iuris interpretes, qui pollicitationem etiam aliis vniversitatibus personarum fieri posse existiment: quam sententiam in primis tacentur GER. von STOEKKEN in Diff. de pollicit. Quæst. V. per tot. et, qui illum simpliciter fecutus est, PET. MASCOV in Diff. de pollicit. Et voto. Sect. I. §. X. Argumenta, quibus vtuntur ad stabilendam suam sententiam, haec sunt. Non adversari, quod passim in legibus reipublicae, civitatum et municipiorum tantum mentio facta reperiatur; certum enim esse, sibi persuasum habent, quod iureconsulti potioribus tantum exemplis vti voluerint, nusquam autem dissentim alias vniversitates excludi. Porro non obstat, quod erubescendum sit iureconsulto sine lege loquenti, Nov. 18. c. 5. cum non solum legis sit, quod verbis exprimitur, verum etiam, quod sententia comprehenditur arg. l. 6. §. 1. D. de

de V. S. et l. 17. D. de LL. Quinimmo, vbi lex deficit, rationem naturalem eius vicem obtinere arg. l. 7. *D. de bon. damnat. l. 13. §. 7. D. de excus. tut.* Hinc vel ideo non apparere, quid impedit, quo minus ea, quae in civitatum vel municipiorum utilitatem sunt constituta, in aliis minoribus universitatibus admittamus arg. l. 64. in fin. *D. de condit. et demonstr.* Addunt denique, universitates personarum partem ciuitatum constituere, iam vero, si parti ciuitatis aliquid relictum, quod ad utilitatem, ornatum vel compendium reipublicae spectat, sine dubio deberi l. 32. §. fin. *D. de legat. I.* Sed ita in interpretando iure singularis versari, ratio iuris singularis non permittit: omne enim ius singulare involvit exceptionem a regula iuris, ergo nec ad casus similes nec ad alias personas, quam intuitu quarum exceptio est facta, extendi potest. Conf. CHRIST. THOMASTI *Diss. de interpretatione beneficiorum principis.* Hal. 1701. & in ei. *Dissert.* Porro quod in legibus nostris, quae de pollicitatione extant, mentio tantum fiat reipublicae, ciuitatum & municipiorum, nostram magis confirmat sententiam, pollicitationem nempe non nisi illis fieri posse: quin immo nec verba nec mens legum harum aliud postulant. Quum igitur non deficiant leges, quae satis declarant, cui pollicitatio fieri possit, non est, cur ad rationem naturalem confugiamus: quippe qua tunc demum opus est, si leges positivae plane silent. Vid. Perill. NETTELBLADTH *Nova Introd. in iurispr. positiv. germanor. commun.* §. 50. Denique a maiori ad minus pariter, ac a parte ad totum, in interpretatione iuris singularis recte concludi nequit. Ita de iure romano. Secus vero

vero est de iure hodierno. Hodie enim in foris Germaniae etiam aliis universitatibus personarum praeter rem publicam fieri posse pollicitationem, eamque validam ac obligatoriam esse, docent ac contendunt iuris interpretes, qui de praxi testari possunt. Conf. CHRIST. CASPARI *Disp. de pollicit.* §. X. GER. von STOEKKEN *Diss. de pollicit.* quae st. V. PET. MASCOV *Disp. de pollicit.* et voto §. X. LAVTERBACHII *Colleg. theoret. pract. tit. de pollicit.* §. IV. IVST. MEIERI *Colleg. Argentor. eod. tit.* §. 3. Simile quid obtinet usus fori in restitutione in integrum reipublicae, ad exemplum minorum concessae per l. 3. C. de iur. reipubl. cui add. l. 4. C. quib. ex caus. mai. de qua re vid. interpretes ad tit. *D. de minor.* XXV. ann. & TOB. IAC. REINHARTH *Diss. de restitutione in integrum universitatis.* Erf. 1733.

§. 18.

Quid in pollicitationem venire?

In pollicitatione aliquid promitti, ex definitione pollicitationis (§. II.) manifestum est. Iam vero id, quod promittitur, est vel res, vel factum. Ergo etiam id, quod pollicemur, esse potest vel res vel factum. Generatim notandum, obiectum pollicitationis 1) eius esse debere indolis, ut & natura & iure a pollicitatore praestari possit, quoniam ad impossibilia non datur obligatio l. 185. *D. de R. I.* Hinc in pollicitationem venire nequeunt res, quae non sunt in rerum natura, aut, quae commercio hominum sunt exemptae add. arg. §. 1. 2. *Inst. de inutil. stipul.* deinde 2) obiectum pollicitationis determinatum esse debe-

re,

re: quia si indeterminatum est, pollicitator praestare potest, quicquid velit, siveque perinde est, ac si nihil promissum sit: arg. l. 108. D. de V. O. l. 56. §. 3. D. & l. 17. C. mandati. hinc *pollicitatio indiscreta* (ita ad exemplum pactorum eiusmodi pollicitationem doctrinae causa appellare liceat, cuius obiectum non est determinatum) aequa minus valida est ac pactum indiscretum. *Conf. GER. von STOEKKEN Diff. cit. Quaest. II. §. XIII.* & in primis *CHRIST. THOMASHI Diff. de obligatione ex promissione rei incertae Hal. 1710.* & in *Ei. Diff. Ad res speciatim quod attinet, in pollicitationem venire possunt res cuiuscunque generis, de quibus liberam habet disponendi facultatem is, qui pollicetur, sive eae sint corporales, sive incorporales, sive mobiles, sive immobiles l. i. pr. & §. 5. l. 6. §. 1. D. eod.* Porro etiam omnia bona sua, praesentia & futura, polliceri quis potest arg. l. 35. §. 4. C. de donat. modo non sit inofficiosa pollicitatio arg. l. 5. l. 7. C. de inoff. donat. nam de tali pollicitatione idem observandum, quod circa donationem inofficiosam iuris est. Vid. interpretes ad tit. D. de donat. Et iam res aliena in pollicitationem venire potest, eatenus scilicet, ut possit usucapi l. 9. §. vlt. l. 18. §. vlt. D. de donat. Hic quaestio oriri potest, virum pollicitans ad evictionem praestandam obligetur? Totam hanc quaestionem ex principiis, quae de evictione a donatore praestanda obtinent, decidendam esse censemus: quae principia, quum egregie exposuerit WILH. LVD. RODOWE in *Diff. de eo quod iustum est circa evictionem in donationibus praestandam.* Gotting. 1778. non est, quod plura addamus. Dissentit quidem PET. MASCOV in *Diff. de pollicitat. et voto. Sect. I. §. XI.* sed frusta: recte enim hac

in

in re argumentamur a donatione ad pollicitationem. Non solum autem res sed facta obiectum pollicitationis esse possunt, veluti si quis opus reipublicae facturum pollicetur l. i. pr. D. eod. Conf. tit. D. de oper. publ. et interpretes ad dict. tit. in primis 10. voet. *Comment. ad Pand. hoc tit.* Et sic PAVLVS in l. 8. D. b. t. refert, Statum Rufinum quandam promisisse, se opus proscenii Gabinis exstructum. Inter ea, quae tum religionis, tum oblectandorum hominum, captandaeque aurae popularis causa, tum in Urbe, tum in municipiis, inventa & introducta sunt, in primis theatra ludosque fuisse, monet VALER. MAXIMVS *Memorab. Lib. IV. c. 1. pr.* Vnde & theatrorum voluptates in l. 5. C. Thed. de spectac. ut et spectaculorum gaudia dicuntur apud CASSIODORVM *Variar. Lib. 1. ep. 7.* Non tantum Aediles, ad quorum munus id proprie pertinebat, vid. CICERO *Verrin. VII. c. 14.* sed & Consules vid. NOV. 105. c. 1. et Praetores vid. l. 5. §. 10. D. *Commod. l. 7. D. de man. vinal. l. 4.* C. Th. de praetor. quin et ipsi privati, in exstruenda reficiendaque theatra, exhibendosque ludos theatrales, maximas incredibilisque impensas fecerunt, immo integrum patrimonium effuderunt. Vid. CICERO *de Offic. Lib. II. c. 17.* Hinc AMBROSIVS *Offic. Lib. II. c. 21.* *Prodigium est, popularis favoris gratia exinanire proprias opes, quod faciunt, qui in ludos theatrales patrimonium dilapidant suum.* Collapsa autem theatra, modo integra, modo per partes, restituta sunt, & in primis praescaenium. Vid. inscriptiones apud REINESIVM pag. 298. n. 89. et apud GRVTERVM p. 168. n. 10. Partes theatri variae erant, sed potissimae *scaena et proscenium.* *Scaena* proprie sic dicta aliquando enim

D

scaena

scaena et proscenium confunduntur, veluti in *I. 2. §. vlt. D. de bis qui not. inf.*) locus erat, unde primum actores prodibant, aulaeis fere & peripetasinatis aliove modo tectus, qui ab uno theatri cornu porrigebatur ad alterum. *Proscenium* vero erat pulpitum ante scaenam, in quo ludrica exercebantur, ut scribit SERVIUS ad VIRGIL. *Georgic. Lib. II. v. 381.* seu locus patens & liber in fronte scaenae, in quem exibant actores & histrioniam agebant, vid. SCIP. GENTILIS *Parerg. Lib. I. c. 8.* quod etiam velis & aulaeis tegi solebat, quae actoribus prodeuntibus removebantur, ut scilicet aperta scena humi iacerent, sed peracta fabula tollerentur. Vid. HORATII *Epist. Lib. II. ep. 1. v. 189.* & CICERO *Or. pro Cael. c. 27.* In quo pulpitum erat singulare, agentium & loquentium proprius locus, aiae, nec non imagines histrionum & pantomimorum & agitatorum, quibus praemii causa donabantur. Vid. *I. 12. C. Th. de scen. & IAC. GOTHOFREDUM ad diff. I. 12.* Conf. 10. ORTW. WESTENBERG *Divus Marcus diff. XXV. §. V. seqq.* Aliud exemplum eiusmodi pollicitationis habemus in *I. 10. D. b. t. vbi MODESTINUS* refert, Septitiam quandam certamen patriae suae pollicitam esse. Vid. dicta ad hanc legem §. 12.

Not. Opera publica, quae publicis sumtibus fiebant, sine Principiis auctoritate fieri non poterant, *I. 3. §. 1. I. 6. D. de oper. publ. I. 5. C. cod.* Privati autem opus publicum suo sumtu facere poterant etiam sine auctoritate Principis, modo non ad aemulationem alterius civitatis pertineret, vel materiam seditionis praebetur, vel circum, theatrum vel amphitheatum esset *I. 3. pr. D. b. t. conf. JO. FRID. WEIDLERI diff. de usu remedii contra aedificantes ad aemulationem.* (Vitenb. 1732.) *§. IV.* iisque etiam licet nomen suum operi isti publico inscribere *I. 2. pr. I. 3. §. 2. D. b. t.*

D. b. t. Quodsi opus publicum partim publico, partim privato sumtu factum erat, is, qui privatum sumtum contulerat, ita operi tali nomen suum inscribere poterat, si, quantam summam in id opus contulerit, adscribat *I. 7. §. 1. D. b. t.* Si quis opus publicum alterius privati sumtu factum ex voluntate reipublicæ marmoribus aliove modo exornaverat, is manentibus priorum titulis, qui illud opus fecerant, nominis proprii titulum adiicere poterat *d. I. 7. §. 1. D. b. t.* Inscribi autem operi publico nomen alterius quam Principis, aut eius, cuius sumto opus factum est, non licebat, *I. 3. §. 2. I. 6. D. b. t.* Nec, eraso nomine eius, cuius liberalitate opus exstructum erat, aliorum nomina inscribere licebat, *I. 2. §. 2. I. vlt. §. 1. D. b. t.* quemadmodum, nec statuas aliis ponere licebat in opere privato i. e. publico, quod privati sumtu factum erat, invito eo, qui id opus fecerat. *I. 12. pr. D. de offic.* Add. *Interpretes ad d. tit. D. de oper. publ.*

§. 19.

Forma pollicitationis quae?

Non vero qualis qualis pollicitatio obligationem civilem producit, sed, ut sequentem formam habeat, necesse est. *I. 1.* Primum nempe requiritur, ut a praesente fiat: quum sit oblatione arg. *I. 3. D. de pollicit.* Non enim absenti recte quis dicitur offerre, sed praesenti *I. 25. D. depos.* idemque confirmat *I. 9. D. b. t.* vbi MODESTINUS ait: *Ex pollicitatione, quam quis ob honorem apud Rempublicam fecit &c.* Verba enim: *apud Rempublicam* satis declarant, pollicitationem fieri debere coram. Proinde non valet pollicitatio ab absente per epistolam facta. *VLPIANUS I. 5. D. b. t.* Charidemo respondit. *Ex epistula, quam munieris edendi gratia absens quis emisit, compelli eum ad editionem non posse.* Ratio huius responsi nulla alia est, quam quod Charide-

mus ille absens per epistolam pollicitus fuerat, edere munus gladiorum. Vid. IAC. CULACII *Observ. & Emend. Lib. XXVI. c. 19.* Similis in eo est pollicitatio stipulationi, quippe quae itidem a praesente fieri debet, *I. i. pr. D. de Verb. Obl. §. ii. Inst. de inut. stipul.* Qua quidem in re, et si consentientes habemus multos iuris interpretes, e quibus nominasse sufficiat IO. ORTW. WESTENBERG in *Princ. iur. sec. ord. Digest. tit. de pollicit. §. 5.* IO. GOTTL. HEINECCIUM in *Elem. iur. civ. sec. ord. Digest. eod. tit. §. CCCXXXV.* IO. AUG. BACHIUM in *Divo Traiano* (Lipſ. 1747. 8.) p. 205. sunt tamen, qui aliter sentiant, ut in primis CORN. VAN BINKERSHOEK in *Observ. Iur. rom. Lib. VI. cap. 13.* qui etiam per epistolam ab absente missam reipublicae recte promitti posse existimat. Qui ita statuunt, putant, in dicta *I. 5. D. b. t. pollicitationem validam non esse ideo*, quoniam Iureconsultus nullam causam edendi munieris reddat. Sed vereor, ut, quia VELIANUS ibi rationem sententiae suae hanc edit, quod per epistolam absens pollicitus sit Charidemus, satis subtiliter atque legitimate rationes collegisse suas videatur. Ineptum est, quod ANDR. ALCIATUS *Parerg. Lib. XII. c. 9.* & ex eo RUSSARDUS *ad. d. I. 5.* dicunt, promissorem in *d. I.* non obligari propterea, quia turpe esset & inhonestum munus gladiatorium: constat enim satis superque, non solum permisso fuisse gladiatores, sed & fortitudines tunc temporis aestimatos somites. Dubitatur de usu hodierno huius requisiti. Sunt, qui id hodie non observari existiment, veluti GE. AD. STRVY in *Decif. Sabbath. Dec. V. c. 1.* GODOFR. LUD. MENCKEN *de Action. forens. Sect. II. Cap. II. Membr. 1. §. 6.*

Sed

Sed sine solido fundamento, vid. dicta §. 14. quibus add. STRYCKII *Vsus Mod. tit. de pollic. §. 1.* HENR. de BERGER *Oecon. iur. Lib. III. tit. i. lib. 5. n. 3.* II) Deinde necesse est, ut pollicitatio fiat ex iusta causa. VELIANVS *I. i. §. 1. D. b. t.* hac de re ita ait: *Non semper autem obligari cum qui pollicitus est, sciendum est: si quidem ob honorem promiserit, decretum sibi, vel decernendum, vel ob aliam iustum causam, tenebitur ex pollicitatione: si vero sine causa promiserit, non erit obligatus, & ita multis Constitutionibus & veteribus & novis continetur.* Add. *d. I. i. §. 5. I. 3. pr. I. 4. I. 6. I. 7. I. 9. D. eod.* Causa hoc loco denotat id, quod nos impulit, quae Philosophis causa impulsiva dicitur, sicque est ratio movens voluntatis a pollicitatore expressa: quo sensu vocabulum causae, alias πολύσημος, occurrit inter adiectiones negotiis forensibus fieri solitas, de quibus vid. Perill. NETTEBLADTII *Nova Introd. in iurispr. pos. germ. comm. §. 513. seqq.* Iusta autem causa vocatur, quae rationem habet sufficientem. Cuius generis est, i) si quis, ob honorem suum vel alienum, aut magistratum sibi decretum vel decernendum, aliquid promiserit *I. i. §. 1. I. 3. pr. I. 9. I. 11.* (quam legem egregie illustrat H. G. von VRYHOFF in *Observ. Iur. civ. Cap. XXIV.*) *I. 13. D. b. t. add. I. 16. §. 1. D. de mun. & bon.* Elegans eiusmodi pollicitationis exemplum est apud GRUTERUM in *Corp. Inscr. pag. 400. n. 7.*

P. DECIMIUS. P. L. EROS.
MERULA. MEDICUS
CLINICUS. CHIRURGUS
OCULARIUS. VI. VIR.

HIC. PRO. LIBERTATE. DEDIT.

H.S. CCCI

HIC. PRO. SEVIRATV. IN REM. P.

DEDIT. HS. CC CO

Vel, 2) si quis ad eam liberalitatem commotus sit, q uod civitas grauiorem aliquem casum, incendium scilicet, terrae motum, ruinam vel similia passa sit *l. 4. l. 7. D. eod.* Quod tamen hac exceptione solutum est, vt, tametsi quis sine iusta causa pollicitus sit, tamen obligetur, si promissionem suam implere coepit. *VLPIANUS* in *l. 1. §. 2. D. b. t.* ita scribit: *Item si sine causa promiserit, coeperit tamen facere, obligatus est qui coepit.* add. *l. 3. pr. D. eod.* Quando vero quis coepisse censeatur, explicatur in *l. 1. §. 3. 4. 5. D. eod.* *Coepisse sic accipimus, si fundamenta ie- cit, vel locum purgavit.* Sed & si locus illi petenti destinatus est, magis est, vt coepisse videatur. *Item si apparatum, sive impensam in publico posuit.* Sed si non ipse coepit, sed, cum certam pecuniam promisisset ad opus Reipublicae, contemplatione pecuniae coepit opus facere, tenebitur quasi coepito opere. Denique cum columnas quidam promisisset, Imperator noster cum Divo patre suo ita rescripsit. Qui non ex causa pecuniam Reipublicae pollicantur, liberalitatem perficere non coguntur: sed si columnas Citiensibus promisisti, & opus ea ratione sumptibus civitatis, vel pri- vatorum inchoatum est, deseri quod gestum est, non oportet. Et in *l. 6. §. 1. D. b. t.* *MODESTINUS* ita scribit: *Si quis pecuniam ob honorem promiserit, coeperitque solvere, eum debere quasi coepito opere,* Imperator noster *ANTONINUS* rescripsit. Add. *l. 16. §. 1. D. de mun.* Et hon. Ce-

terum

terum ratio huius secundi requisiti haec est, vt inde intelligi possit, promissum fuisse serium ac deliberatum.

Not. 1. Quamvis pollicitatio, quæ fit ob honorem consequendum, ambitus criminis carere non videatur, aliud tamen est, polliceti reipublicæ & incidere in crimen ambitus. Vid. tit. *D. de Lege Iulia ambitus*, ibidemque interpretes, nec non *PET. MASCOVI* Disp. de pollicit. & vot. *Seft. I. §. XXII.* & *Perill. KOCHII Inst. Iur. crim. §. DCXL.*

Not. 2. Pollicitationem spontaneam esse debere, ex ipsa notione pollicitationis supra §. II. tradita prono alveo fluit, cui add. *l. 3. D. b. t.* Quod si ergo respublica alicui necessitatem imposuerit, v. gr. statuam principi ponendam, qui eam ultra non promisisset, non necesse esse ei obtemperare, rescriptis Imperatorum constitutum fuisse, docet *VLPIANVS* in *l. 6. §. vlt. D. b. t.* Ex quo porro sequitur, vt pollicitatio vi metuque extorta nulla sit. Vid. tit. *D. quod met. caus. gest. & interpretes ad dict. tit.*

Not. 3. Quaeri hic etiam potest, an, quemadmodum donatio summa D. solidorum excedens insinuatione judiciali indiget per *l. 36. §. vlt. C. de donat.* ita etiam pollicitatio ultra praedictam summam facta, actis debeat insinuari? Id quod negandum esse putamus, quia illud singulare ius est in donationibus, quae fiunt inter vivos, proptereaque ad alia negotia porrigitur & præterea nulla lex reperitur, quae insinuationem pollicitationis immodeicæ requirat. Vid. plura de hac re apud *GER. von STOEKKEN* in *Diff. de pollicit. Quaest. III. §. XXVII. seq.* Contrarium tamen statuit *CHRISTOPH. CASPAR* in *Disp. de pollicit. §. XII.* sed falso.

§. 20.

Pollicitatio an pure vel non pure fiat?

Quemadmodum aliquid vel pure, id est, sine omni adiectione, vel non pure, seu ita, vt adiectionem quandam habeat, siveque vel sub conditione, vel sub die, vel sub modo, vel sub causa, promitti potest: ita etiam pollicitatio vel pure vel non pure &

quidem

quidem vel sub conditione vel sub die vel sub modo vel sub causa fieri potest. Elegans exemplum pollicitationis conditionalis habemus in *l. 10. D. b. t.* vbi legimus, Septiciam certamen patriae sua pollicitam esse sub conditione, *ut sors apud eam remaneret*, & ipsa iurias semifales ad praemia certantium resolveret i. e. senos aureos in centenos quotannis solveret, ea etiam lege, *ut certaminis vir*, & eo mortuo, liberi ex ea nati praesiderent. Debet tamen pollicitans pollicitationi tales adiicere conditiones, quae reipublicae utiles aut ad minimum non damnosae sunt: si enim sint damnosae reipublicae, pro non adiectis habentur, & perinde est, ac si pure pollicitatio facta fuisset. *PAPIRIUS IUSTUS* in *l. 13. §. 1. D. b. t.* Item rescripsit (scil. Imperatores Antoninus & Verus Augusti) *condiciones donationibus adpositas, quae in Rempublicam sunt, ita demum ratas esse, si utilitatis publicae interest: quod si damnosae sint, observari non debere: & ideo non observandum, quod defunctus certa summa legata, vetuit vestigal exerceri: esse enim tolerabilia, quae vetus consuetudo comprobat.* Hinc *MODESTINUS* in *l. 12. §. 1. D. b. t.* *Cum quidam, ne honoribus fungeretur, opus promisisset: honores subire cogendum, quam operis instructionem, Divus Antoninus rescripsit.* Ita legitur in Florentina editione Pandectarum. Norica & Vulgata editio, ut & codex Rehdigeranus exhibent: *tam honores subire &c.* *Instructione* hic sumitur pro fabricatione vel structura. *GOTHOFREDUS* in *not. ad. b. l.* existimat, particulae quam praeponendam vocem potius, ut sensus hic sit: *eum, qui opus promisit, ne honoribus fungeretur, honorem*

potius

potius subire cogendum, quam ad operis instructionem, atque ita is, qui hoc modo pollicitus est, opus perficere omnino non tenetur. Nos vero existimamus bene se habere lectionem Etruscam & particulam quam hic poni pro tam, quam: sicque sensus legis hic est: *eum, qui opus promisit, ne honoribus fungatur, tam ad honores subeundos, quam ad operis exstructionem, cogendum esse, qui a reipublicae damnosum erat, munus detrectare.* Vid. *tit. D. de mun. & honor. ibique interpretes.* Et ita quoque glossa habet ad *dict. l. 12. §. 1. D. b. t.* Aliud obtinet in partis & speciatim in donationibus. Talis enim conditio plane vitiat conventionem, in pollicitationibus autem vitiatur conditio. Quaerunt de ratione discriminis. Nos favorem reipublicae rationem huius iuris recte dicimus: siquidem tota pollicitatio rationem habet iuris singularis, vid. *PET. MASCOV Disp. de pollicit. & vot. Sect. I. §. XII.* Dissentit *LAUTERBACH* in *Coll. theor. pract. tit. de pollicit. §. VI.* hanc rationem reddens, quod nulla eius culpa interveniat, cui pollicitatio facta, non enim consentire in pollicitationem, ergo nec in adiectam conditionem, ut fit in conventione: idemque obtinere in ultimis voluntatibus, quia heredis & legatarii nulla esset culpa, cur talis conditio sit adiecta. Sed nobis haec philosophia non placet. Ceterum de conditione in pollicitationibus, ut & de modo, ac demonstratione, iis apposita, eadem observanda sunt, quae de hisce adiectionibus in negotiis forensibus generatim valent, de quibus conf. *Perill. NETTELBLADII Nova Introd. in iurispr. posit. germ. comm. §. 573. seq.* Idemque confirmat *l. 10. D. b. t.* vbi in fine haec verba legimus

gimus: *Quaero, an possunt iniuriam pati filii Septiciae, quo minus ipsi praesiderent certamini, secundum verba condicionemque pollicitationis?* Herennius Modestinus respondit, *quo casu certaminis editio licita est, formam pollicitationi datum servandam esse.* Sciendum est, non privato cuique collibusse, quaecunque edere spectacula, vid. EVER. OTTO de *Aedilibus Colon. & Municip.* pag. 399. Sed quid, si de cetero impossibilis conditio, natura vel iure talis, pollicitationi adiecta, num vitiat pollicitationem, an vero ipsa vitiatur, & pro non adiecta habetur? & prius affirmare nulli dubitamus arg. l. 1. §. 11. D. de O. & A. l. 7. l. 31. l. 35. D. de V. O. §. 10. Inst. de *inutil. stip.* posterius defendunt CHRISTOPH. CASPAR in *Disp. de pollicit.* §. XV. nec non PET. MASCOV in *Disp. de pollicit.* & vot. §. XII. idque ob favorem reipublicae, cuius intuitu pollicitationes iure civili valere coeperint. *Enimvero favor, quo hac in causa vtitur respublica, non extendendus est vltra rationem suam.* De causa denique in pollicitationibus idem quidem dicendum est, quod de causa in negotiis forensibus generatio*n* iuris est, de quo vid. Perill. NETTEBLADT c. l. attamen singula*re* est, quod ratione iustae cause obtinet, quam in interponenda pollicitatione intercedere debere, supra §. 18. diximus.

§. 21.

*Effectus pollicitationis,*a) *respectu pollicitantis*

Ex huiusmodi pollicitatione, quam hactenus descripsimus, oritur obligatio pollicitantis erga rem publicam, cui pollicitatio facta est, ad praestandum id, quod promissum est: cui

obli-

obligationi respondet ius reipublicae, cui pollicitatio facta, in personam pollicitantis, vt praestet, quod promisit: id quod luculenter appetit ex plerisque textibus tit. D. de pollicit. in specie ex l. 3. pr. D. eod. vbi notes, particulam *quasi* non improprietatem & fictionem, vti alias saepe, sed veritatem significare. Vid. BARN. BRISSONIUS de *Verb. Signif.* in hac voce. Add. l. 6. §. 1. D. de mun. & bon. Ipsa autem persona pollicitantis obligatur, non vero res promissa afficitur, nec ius in re per pollicitationem constituitur arg. l. 2. D. b. t. Quemadmodum in donatione dominium traditione demum in donatarium transit, (nisi donatio sit coniuncta cum traditione, quae *realis* comode vocari solet, vt discernatur ab illa, quae sola promissione fit, quaeque ideo *promissoria* audit,) ita & in pollicitatione dominium traditione secuta demum transfertur, nisi simul res promissa tradita fuerit: atque hoc fit vel vera traditione, si pecunia promissa, vel adsignatione, sin opus promissum l. 1. §. ult. D. b. t. Hinc VLPIANUS in l. 3. D. b. t. in fin. ait: *sed & si defierint municipes possidere, dicendum erit, actionem eis (scil. municipibus) concedendam.* Pollicitatio semel rite facta revocari non potest. Clare id docet VLPIANVS in d. l. 3. §. 1. D. b. t. vbi haec legimus: *Si quis, quam ex pollicitatione tradiderat rem municipibus, vindicare velit, repellendus est a petitione: aequissimum est enim, huiusmodi voluntates in civitates collatas poenitentia non revocari.* In quo magna cernitur differentia inter pollicitationem & donationem. Conf. GER. von STOEKKEN *Disp. de pollicit.* Quaest. V. §. XXXVI. Porro pollicitator praestare tenetur praecise id, quod

E 2

promi-

promisit, sive dare aut facere, ad quod dandum aut faciem. dum pollicitando se obligavit: quia aliud pro alio invito creditori solvi nequit, quamvis sit obligatio faciendi, ex sententia *I. 2. §. 1. D. de reb. cred.* qua de re consuli meretur CHRIST. THOMASII *Diss. an promissor facti liberetur praefando id quod interi est?* Hal. 1721. & in EIUS *Dissert.* Neque pollicitans aliud, quam quod pollicitus est, praestare tenetur: quemadmodum enim universi iuris est, debitorem ad aliud, quam quod promisit, praestandum compelli non posse: ita illud quoque in pollicitatione obtinet. Idem comprobatur *I. 13. pr. D. b. t.* vbi PAPIRIUS IUSTUS sic scribit: *Imperatores Antoninus & Verus Augusti rescripserunt, opera exstruere debere eos, qui pro honore polliciti sunt, non pecunias pro his inferri cogi.* Denique pollicitator ordinarie, uti quilibet debitor, solidum, quod promisit, praestare tenetur. Audiamus MODESTINUM in *I. 9. D. b. t.* hac de re ita dicentem: *Ex pollicitatione, quam quis ob honorem apud Rem publicam fecit, ipsum quidem omnimodo in solidum teneri Divi Severus & Antonius rescripserunt.* Quod si tamen facultatibus lapsus sit pollicitator, oblata quinta parte patrimonii liberatur. Sic enim legimus in fine *diss. I. 9. D. b. t.*: *sed & ipsum donatorem pauperem factam, ex promissione operis coopti quintam partem patrimonii sui debere, Divus Pius constituit.* Ceterum pollicitator non liberatur ab obligatione sua, quamvis post pollicitationem factam relegatus sit. Quam in rem extat illustre rescriptum Divorum Fratrum, quod ex ULPIANI libro III. de Officio Consulis relatum est in *I. 9. D. b. t.* & ita se habet: *Probe faciet Statius Rufinus, si opus proscenii, quod se Gabi-*

Gabinis exstructurum promisit, quod tandem aggressus fuerat, perficiat: nam etsi adversa fortuna usus, in triennio a Praefecto urbis relegatus esset, tamen gratiam munieris, quod sponte obtulit, minuere non debet, cum & absens per amicum perficere istud opus possit. Scilicet excusabat se Statius Rufinus, quo minus in perficiendo proscenio pergeret, quod se Gabinis exstructurum promiserat, eo, quod adversa fortuna usus in triennio a Praefecto Urbi relegatus esset. *Fortunam, quam Deam fecere Romani, in omni re dominari, rerumque humanarum dominam esse, crediderunt antiqui.* CICERO *pro Marcell. c. II.* PLINIUS *Lib. II. c. 7.* *Huic omnia expensa, huic omnia feruntur accepta, & in tota ratione mortalium sola utramque paginam facit:* five prospera essent, quae bonae, five adversa, quae malae fortunae adscribantur, cui templum consecratum fuisse in Esquilino, antiquitas tradit. *Qua adversa Fortuna se usum, querebatur Statius Rufinus: quemadmodum de Cimone ait CORNELIUS in Cimon. c. 5.* *Eodem die pari fortuna in terris usus est.* Ut & HORAT. *Ep. V. v. 12.*

Quo mibi fortunas si non conceditur uti?

Nec non SCAEVOLO in *I. 75. D. ad Sct. Trebell.* Neque sine ratione querebatur, se adversa fortuna usum, cum a Praefecto Urbi relegatus esset in triennio. *Relegatos AELIUS GALLUS apud festum definit, quibus ignominiae aut poenae causa necesse est,* ab urbe Roma aliove loco abesse, lege, Senatusque consulto aut Editio magistratum. *Quae poena relegationis, si accurate loquamur, diversa erat a poena deportationis.* Relegatio enim fere

fiebat ad tempus, *deportatio* vero (quae in locum aquae & ignis interdictionis successit *l. 2. §. 1. D. de poen. l. 3. D. ad L. Jul. pecul. l. pen. §. 3. D. de extr. cogn.*) in perpetuum. *l. 18. pr. D. de interd. & relig.* Relegatum bona sequebantur, deportatum non item *l. 4. l. 7. l. 14. §. 1. D. de interd. & releg.* Vid. ISIDOR. Orig. Lib. V. c. 27. Sed hae differentiae non fuerunt perpetuae. Nam & relegatio aliquando facta in perpetuum, *l. 7. §. 2. 3. D. de interd. & releg. l. 4. l. 28. §. 1. D. de poen.* & relegatis bona quandoque vel omnia vel pro parte ademta sunt, *l. 1. pr. D. si pend. appell. l. u. §. 3. D. Ad. Leg. Falc. l. 38. §. 5. 8. D. de poen.* licet id de iure tum demum fieret, si relegatio in perpetuum facta esset, *l. 5. iunct. l. 7. §. 4. D. de interd. & releg.* Certissima differentia inter relegationem & deportationem fuit, quod relegatio fiebat salva civitate Romana, ac proinde relegati patriam potestatem, testamenti factionem, & omnia omnino iura sua & bona, praeterquam, si quae eis ademta erant, retinebant, tantum insula eis egredi non licebat, cuius vinculo quodammodo continebantur. *l. 4. l. 7. §. 3. D. de interd. & releg.* deportatio vero adimit civitatem Romanam, omniaque quae sunt iuris civilis *l. 6. pr. D. de interd. & releg. l. 2. D. de publ. iud. l. 17. §. 1. D. de poen.* quae *κατ' ἔξοχην* exilium dicitur PAULO in *d. l. 2. §. 1. D. de publ. iud.* Quam differentiam accurate & eleganter exhibit OVIDIUS TRIST. Lib. V. Eleg. 2. v. 15. dum ait:

Nec vitam, nec opes, nec ius mibi civis ademit.

Add. v. 21. nec non TRIST. Lib. II. v. 135. & seqq. vt & in primis TRIST. Lib. II. v. 56. & seqq. vbi ita canit:

Nec

*Nec mibi ius civis, nec mibi nomen abeft.
Nec mea concessa est aliis fortuna, nec exul
Edisti verbis nominor ipse tui.*

Neque turbat, quod Statius Rufinus paulo post in eodem hoc nostro rescripto *in exilium* profecturus dicatur. Exilium enim modo strictius pro deportatione, *d. l. 2. D. de publ. iud.* modo latius pro relegatione, *l. 4. pr. D. si quis caut. l. 4. D. de extr. crim.* quemadmodum & ipsa relegatio aliquando pro deportatione, ponitur, *l. 7. pr. & §. 1. D. de interd. & releg.* Relegatus autem erat Statius Rufinus a Praefecto Vrbi. Praefecto enim Vrbi iurisdictione competebat non tantum civilis, vt hodie vocari solet, sed & criminalis, & nominatim relegandi deportandique in insulam, quam Imperator assignaverit, potestas *l. 1. §. 3. D. Off. Praef. Vrb.* intra urbem & centesimum ab urbe lapidem, *d. l. 1. pr. & §. 1. D. b. t.* Mirum igitur non est, Statium Rufinum ex oppido Gabino, quod intra centesimum lapidem situm erat, vt supra §. II. monuimus, a Praefecto Vrbi relegari potuisse. Relegatus erat in triennio. Relegatio enim plerumque, vt ante diximus, fiebat ad tempus, non in perpetuum. Sive autem *in triennio* dicatur, vt in Codice Florentino, nec non Rehdigerano legitur, sive *in triennium*, vt in Haloandrina habetur, nil interest; antiqui enim *τὸ in*, modo accusativo, modo ablativo iunxerunt, sive motum significat, sive quietem. Sic enim PAULUS in *l. 25. §. 4. D. sol. matrim.* & *l. 24. §. 2. D. loc. cond.* fundum *in quinquennio* locatum dicit, quem VIPIANVS *in quinquennium* locatum ait in *l. 9. §. 1. D. loc. cond.* Sic & relegatio

in

in insulam fieri dicitur l. 4. l. 5. l. 7. §. 1. D. de interd. & releg.
quam tamen insulis & in insulas, ex antiqua pronuntiatione factam docet VLPIANUS d. l. 7. §. 17. D. nod. apud
alios optimi commatis auatores eiusmodi locutionum multa copia est. Sic *in possessionem esse*, dixit CICERO, *in manuem esse*, PLAVT. apud GELLIVM Lib. I. Noct. Attic. Cap. 7. Plura exempla concessit PHILIPPE. PAREVS in Lexico Plaut. hac voce. Et sane iniquum plane esset, excusationem ob causam relegationis admittere, *cum & absens* (vti subiiciunt Imp.) *per amicum perficere id opus possit.* Licet enim opus faciendum non semper per alium perfici possit, eo quod inter artifices multa sit differentia, *l. 31. pr. D. de solut.* non tamen illud hic applicari potest, nam *d. l. 31.* loquitur de *artifice*, qui opus faciendum promisit, & quidem ita, *ut suis operis perficiat:* quo casu dicta ratio demum locum habet. Caeteroquin id, quod promisum vel praestandum est, per alios etiam, maxime in casu absentiae, fieri posse, tum ex hoc loco, tum ex *l. 1. pr. D. de officiis*, *cui mand. est iurisd.* *l. 5. §. 3. D. de admin. tut. manifestum est.* Conf. IO. ORTW. WESTENBERG *Divus Marcus Dissert.* XXV. §. IX. & seqq.

§. 22.

*Effectus pollicitationis*b) *respectu heredum pollicitantis.*

Quamquam vero iure civili, quod a defuncto debetur, id heres quoque præstare teneatur: tamen in hoc de pollicitationibus

nibus loco id nonnunquam fallit. Videamus igitur, an & quantum heredes obligentur ex pollicitatione a defuncto facta. Ad quam quaestionem ante omnia ita distingue debet: videlicet vel defunctus factum nudum seu personale, i. e. cum erogatione bonorum non coniunctum, vel rem aut factum qualificatum, id est, coniunctum cum erogatione quadam bonorum, promisit. In primo casu heredes non obligantur arg. *l. 2. D. de pollicit.*, quoniam ea, quae in facto personæ consistunt, ad heredes non transeunt, *l. 3. §. 3. D. de liber. leg.* In secundo casu, vel hereditas sufficit liberalitati defuncti soluendæ, vel minus. Si prius, heredes in solidum tenentur, sive servatur regula; si vero posterius, iterum distingue: nimur vel ob honorem defunctus pollicitus est, vel ob aliam causam. In priori casu, vel defunctus honorem iam adiit, vel non, seu antequam adiit decessit. Si illud, heredes in solidum tenentur; hoc ius primus constituisse videtur IMP. TRAIANUS, ut memoriae prodidit POMPONIVS in *l. 14. pr. D. b. t.* (quam legem, inter leges de pollicitationibus extantes, aetate primam esse, admodum probabile est). Verba legis huc spectantia haec sunt: *Si quis sui, alieni honoris causa, opus facturum se in aliqua ciuitate promiserit: ad perficiendum tam ipse, quam heres eius,* (& quidem in solidum, ut ex sequenti POMPONII oratione patet,) *ex Constitutione Divi Traiani obligatus est.* Idem docent VLPIANVS & MODESTINVS. Ille in *l. 6. pr. D. b. t.* ubi ait: *Totiens locum habet diminutio pollicitationis in persona heredis, quotiens non est pollicitatio ob honorem facta: ceterum si ob honorem facta sit, aeris*

atieni loco habetur, & in heredum persona non minuitur. Hic vero in l. 9. pr. D. b. t. dicit: *Ex pollicitatione, quam quis ob honorem apud Rempublicam fecit, ipsum quidem omnimodo in solidum teneri: heredem vero eius ob honorem quidem facta promissione in solidum — — teneri, Divi Severus & Antonius rescripsierunt.* Si hoc, vel defunctus opus promissum inchoauit, vel minus. In primo casu, aut heredes opus coeptum perficere tenentur, aut, si liberi sunt (sub quo nomine hic ex rescripto Imp. Ant. Pii nepotem etiam ex filia contineri, VLPIANVS auctor est in l. vlt. D. b. t. quum hi alias regulariter in numero liberorum non habentur,) decimam hereditatis partem, si extranei, (quales hic vocantur, qui liberi non sunt,) quintam praestare obstringuntur. Et de hac specie agere videtur POMPONIVS in altera parte d. l. 14. D. b. t. dum ait: *Sed si quis ob honorem opus facturum se civitate (Gothofr. in nota habet: scil. in civitate. (Sic Hal. & ita quoque Vulgat. vt & Rehd.) aliqua promiserit, atque inchoaverit, & prius quam perficeret, decesserit (Sic Vulg. Hal. nec non Rehd. & recte quidem. In Flor. legitur: discesserit): heres eius extraneus quidem neceſſe habet aut perficere id, aut partem quintam patrimonii relicti sibi ab eo, qui id opus facere instituerat, si ita mallet, ciuitati, in qua id opus fieri coeptum est, dare: is autem, qui ex numero liberorum est, si heres existit, non quintae partis, sed decimae concedenda necessitate adficitur: & haec Divus Antoninus (scil. Pius.) constituit. Verba: si ita mallet, ad heredem referenda esse, docet totius loci verborumque continuatio. Atque ita quidem.*

tres

tres dictas illas leges nimirum l. 6. pr. l. 9. pr. & l. 14. D. b. t. intelligendas conciliandasque esse putamus. In secundo casu, heredes, non tenentur omnino, de quo exstat l. u. D. b. t. vbi MODESTINVS ita scribit: *si quis ob honorem vel sacerdotium pecuniam promiserit, & antequam, honorem vel magistratum ineat, decedet (sic in codice Flor., melius in Haloand. ac Vulgat. edit. decedat): non oportere heredes eius conveniri in pecuniam, quam is ob honorem vel magistratum promiserat.* Principalibus Constitutionibus cavitur: nisi forte ab eo, vel ab ipsa Republica, eo vivo opus fecerit inchoatum. Conf. ad hanc legem H. G. VRYHOFF Observat. Jur. civ. Cap. XXIV. In posteriori casu, nempe si ob aliam causam, quam propter honorem, defunctus promiserit, liberi in decimam, extranei in quintam partem hereditatis tenentur. Audi MODESTINVM in l. 9. D. b. t. hac de re ita dicentem: *Heredem vero eius (scil. pollicitantis), ob honorem quidem facta promissione in solidum, ob id vero, quod opus promissum coeptum est, si bona liberalitati solvendo (Gothofr. in nota: solvendae. Hal.) non fuerint, extraneam heredem in quintam partem patrimonii defuncti, liberos in decimam teneri, Divi Severus & Antoninus rescripsierunt.* Conf. CHRISTOPH. CASPAR Disp. de pollicit. §. XX. PET. MASCOV Disp. de pollicit. & vot. Sect. I. §. XVII. IO. VOETH Coment. ad Pand. tit. de pollicit. n. 3. LAVTERBACH Colleg. theor. pract. eod. tit. §. VII. In rationem diuersitatis, cur nimirum pollicitator pauper factus, datione quintae, aut decimae partis patrimonii, habita nempe ratione qualitatis heredum, a pollicitatione libe-

F 2

retur.

retur, quum tamen donator, si ad inopiam redactus sit, non teneatur, nisi in quantum facere potest, inquirunt CHR. CASPAR in *Disp. de pollicit.* §. XXI. & GER. von STOEKKEN in *Disp. de pollicit.* *Quæst. III.* §. XXXIII. seqq. Ceterum ea, quæ de obligatione heredum ex pollicitatione defuncti secundum legum placita, quas super hac re habemus, exposuimus, supponunt, 1) heredem hereditatem pollicitatoris sibi delatam, acquisivisse, neque adeo eam omisisse: est enim effectus acquisitæ hereditatis defuncti pollicitantis: si ergo heres hereditatem pollicitantis sibi delatam repudiaverit, aut ab ea abstinuerit, omnino non tenetur, vid. tit. *D. ad acquir. vel omitt. hered.* & interpretes *ad dict. tit.* 2) necheredem hereditatem pollicitantis cum beneficio inuentarii adiisse, sin enim secus, in hac causa, ut vniuerse, ultra vires hereditatis non tenetur *I. vlt. C. de iure deliber.*

§. 23.

Vtrum vsuræ debeantur in pollicitatione?

Quamvis regulariter in pollicitatione vsuræ non debeantur, tamen debentur, si mora facta sit. VPIANVS hanc quæstionem tractat in *I. I. pr. D. de pollicit.* Si pollicitus quis fuerit reipublicæ, inquit, opus se facturum, vel pecuniam daturum, in vsuras non conveniatur, sed, si moram coepit facere, vsuræ accidunt, ut Imperator noster cum Divo patre suo (i. e. Impp. Severus & Antoninus Caracalla) rescripsit. Sed dignum est quæ-

ri,

ri, quando mora in pollicitatione fieri censeatur? Distinguendo res est decidenda. Aut enim pollicitator certum præfinuit tempus, quo se opus facturum pollicitus est, aut nullum determinauit tempus. In priori casu, fin intra definitum tempus non fecerit opus, semisses vsuras protinus solvere tenebitur tum ipse pollicitator, tum quoque eius heres, nisi deposuerit pecuniam intra tempus definitum: posteriori in casu a Praeside tempus statuitur, intra quod si vel ipse promissor, vel heres eius, opus facere neglexerunt, vsuras leviores intra sex menses, id est, vsque ad tertiam centesimæ seu quatuor in centum pendunt; hoc tempore vero præterito, nec dum opere perfecto, vsuras semisses soluere cogentur. arg. *I. 5. pr. D. de oper. publ. I. 17. §. vlt. D. de vsur.* Vid. GER. NOODT de Foen. & *Vsur. Lib. I. c. II.* CHR. CASPARI *Disp. de pollicit.* §. XIX. PET. MASCOV *Disp. de pollicit.* & vot. §. XVII.

Not. *L. 16. pr. D. vsur.* quam vulgo ab interpretibus hic probatio-
nis gratia allegatam reperies, huc non pertinet: sed loquitur
de vera donatione in rem publicam collata. Vid. GER. NOODT
de Foen. & Vsur. Lib. III. Cap. VII. in fin. Hoc verum qui-
dem est, dicta de vsuris in pollicitatione, argumento ducto a
donatione ad pollicitationem, confirmari posse: quam in rem
conferri meretur CHR. HENK. BREUNINGII *Disp. de vsuris*
ex mora in donatione. Lips. 1767. & GOTTL. EUS. OELTZE an
& quatenus vsuræ ex mora a quantitatibus donatore exigi pos-
sint? Jen. 1765. 4.

§. 24.

Acquisitio, amissio, conservatio & persecutio iurium & obligationum ex pollicitatione.

I) Iura & obligationes ex pollicitatione acquiruntur per fidem promissionem reipublicæ, dummodo legitime facta sit. Id quod patet ex definitione pollicitationis §. 11. tradita & iis, quæ in antecedentibus de pollicitatione in se spectata diximus. II) Amissio iurium & obligationum ex pollicitatione fit non tantum modis generalibus amittendi iura & obligationes, de quibus confer. Perill. NETTELBLADTII *Nova Introd. in iurispr. pos. germ. comm.* §. 761. seqq. sed & in specie per paupertatem pollicitatoris, prout supra §. 21. a nobis expositum est. III) Modi generales, quibus iura conservantur & obligationes corroborantur, de quibus vid. Perill. NETTELBLADT *Nova Introd. in iurispr. pos. germ. comm.* §. 675. seqq. & §. 796. seqq. sunt etiam modi conservandi iura & corroborandi obligationes ex pollicitatione. IV) Persecutio iurium ex pollicitatione autem fit per actionem ex pollicitatione, de qua adhuc speciatim agendum.

§. 25.

Action ex pollicitatione.

Action ex pollicitatione est actio personalis, quæ datur reipublicæ aduersus pollicitatorem ad praestandum promissum. Est itaque 1) actio personalis, nascitur enim ex iure ad rem,

arg.

arg. I. 2. *D. de pollicit.* & quidem a) dativa, quia ex iure ad rem mediato descendit, porro b) ciuilis, quum ex iure ciuili stricte sic dicto proficiscatur, & c) stricti juris arg. §. 28. *Inst. de action.* vid. GER. NOODT *de Foen.* & *Vsur. Lib. III. c. 7. in fin.* 2) Datur reipublicæ, sicutque de iure romano etiam civitatibus, iure hodierno autem non solum his, sed & aliis vniuersitatibus, prout supra §. 17. ostendimus. Quia vero ipsa vniuersitas in iudicio comparere, & actionem proponere nequit, eam instituere debet per alium, syndicum scilicet, vel actorem ab vniuersitate legitime constitutum, qui nomine vniuersitatis agit, vid. I. g. *D. b. t.* vbi *VLPLANVS* refert, ita rescriptisse Divos Fratres Flavio Celso: *Quodsi detrectat* (scil. Statius Rufinus), *actores constituti, qui legitime pro ciuitate agere possunt, nomine publico adire aduersus eum iudices poterunt.* Conf. dicta §. 18. nec non tit. *D. quod cuiuscumque uniuers. nom.* ibique interpretes. 3) Competit aduersus pollicitatorem: quod per se clarum est. An & quatenus autem aduersus heredes pollicitatoris locum habeat, ex dictis §. 22. colligi potest. Contra tertium possessorem rei promissæ non datur arg. I. 2. *D. b. t.* 4) Finis huius actionis est, vt pollicitator eiusue heredes praestent promissum, sicutque, vt dent, vel faciant, ad quod dandum vel faciendum sese obligarunt. Ordinarie quidem tendit ad praestandum solidum, quod promissum est; sed interdum diminutioni locus est, sicutque minus quam solidum consequitur respublica, prout supra §. respublica 22. vidimus. Vsuræ in hanc actionem ordinarie non veniunt, nisi mora commissa sit, vt supra

§. 23.


§. 23. docuimus. Hinc in eo bona fidei iudicia imitatur. Vid. GER. NOODT *l. c.* Fundamentum huius actionis est pollicitatio legitime facta, ad quam quid requiratur, supra §. 19. seq. traditum est. Actor in hac actione probare debet, pollicitationem esse factam a praesente, idque vel ex iusta causa, vel promissum impleri coeptum esse. Conf. dicta §. 19. Iudex competens in hac causa est iudex domicilii, *l. 8. D. b. t.* Videri posset, per iudices intelligendos esse iudices pedaneos, vid. WESENBECCIVS ad tit. *D. de pollic. n. 6.* sed id displicet BACHOVIO ad *Wesenbec. d. l.* & merito. Volunt enim Divi Fratres, vt actores seu syndici iudices recta adeant, quo modo non adeuntur iudices pedanei, qui ab eo, cui ius dandi erat, primum dabantur *l. 12. §. 2. D. de iud.* &, ubi dati erant, tum demum adiri poterant. Neque obstat, quod per iudicem multis in locis iudex pedaneus significetur, vt in *d. l. 12. §. 1. 2. D. de iud. tit. C. de ped. iud.* quum, alibi per iudicem etiam magistratum intellegi magis notum sit, quam vt vltiori probatione indigeat, vid. *l. 1. l. pen. D. de iud. l. II. §. 1. D. de iurisd. tit. D. de reb. auctor. iud. poss.* add. CPHL CASPARI *Disp. de pollicit.* §. XII. Quodnam autem iudicum seu magistratum in hac causa sit officium, simul docent Imperatores in *d. l. 8. D. b. t.* dum subiiciunt: *Qui cum primum potuerint, priusquam in exilium proficiscatur, cognoscent, Et si opus perficere ab eo debere constituerint, obedire eum reipublicæ ob hanc causam iubebunt, aut prohibebunt distrahi fundum, quem in territorio Gabiniorum habet.* Cum enim relegatis dies excedendi a Praefecto Vrbi vel Praefide pre scribi

scribi soleat, hac formula: *Illum provincia illa, insulisque eis relogo, excedere debet intra illum diem l. 7. §. 17. D. de interd. Et releg.* ac proinde relegato diutius in ciuitate morari non licet, neque æquum sit, vt opus promissum usque ad redditum relegati differatur: merito volunt Imperatores, vt iudices, *quoniam primum potuerint, priusquam in exilium proficiscatur, de eo cognoscant.* Et si quidem constet, opus reipublicæ promissum esse, obedire eum & opus perficere iubeant, *l. 10. l. 13. D. b. t.* aut, si fundum in territorio Gabiniorum habeat, eum distrahi prohibeant, ne per alienationem fundi actio Gabiniorum difficilior reddatur. Quod quo minus & ad casus similes extendi possit, veluti, si debitores de fuga suspecti sint, dubitandum non videatur *l. 32. pr. D. ad L. Falc. Conf. 10. ORTW. WESTENBERG Divus Marcus Diff. XXV. §. XIV. seqq.* Haec actio quadraginta annos durat *l. 4. C. de praescript. XXX; vel XL. ann.* Autb. quas actiones *C. de sacrosanct. eccles.* Vid. PET. MOSCOV *Disp. de pollicit. Et vot. Sect. I. §. XVIII.* Exceptiones, quæ huic actioni opponi possunt, ad haec tria principia redeunt. Nimirum opponi potest, 1) pollicitatorem fuisse inhabilem ad pollicendum, v. g. mente captum, impuberem etc. fuisse tempore factæ pollicitationis, 2) pollicitationem non rite esse factam, v. g. indiscretam esse, vel per epistolam ab absente, vel sine iusta causa factam, nec promissum impleri coeptum esse, 3) adeisse causam, quæ pollicitatorem eiusque heredem liberat ab obligatione vel in totum vel pro parte e. g. pollicitatorem pauperem esse factum,

actionem per præscriptionem esse existimat etc. Formulam libelli actionis ex pollicitatione habet BOEHMER in *Doctr. de Action.* Sect. II. Cap. VII. §. 11. & MENCKEN in *Doctr. de Action.* Sect. II. Cap. II. Mebr. 1. §. 10. Ceterum confer ad totum hunc locum præter BOEHMERVM dict. loc. cui add. si placet i. TOB. CARRACH *Addit.* ad Boehmeri *doctr. de Act.* p. 288. seqq. & MENCKENIVM dict. loc. in primis IOH. LVD. SCHMIDTS *Lehrbuch von gerichtl. Klagen u. Einred.* (Jena 1778. 8.) §. 697. seqq.

ERRATA ET OMISSIONES

Pag. 3. lin. 6. loco: *pericul.* lege *pericul.* lin. 7. post l. 5. D. *ad leg. falc.* adde: l. 19. pr. D. *de donat.* pag. 13. lin. penult. loco *Reginat lege:* *Reginac* lin. ult. loco *ingrediant* lege *ingrediantur.* pag. 25. lin. 23. loco *praescaenium* lege *proscenium.* pag. 28. lin. 23. post *fomites* adde *Conf. GER. von STOECKKEN Diff. de pollicit.* *Quæst. VI.* pag. 35. lin. vlt. post XXXVI. adde: *vt & Quæst. XII. Add. l. 1. §. vlt. D. cod.*



V I R O

V I R O

PRAENOBI LISSIMO ATQVE DOCTISSIMO
SVPREMAE IN IVRIS SCIENTIA DIGNITATIS
CANDIDATO DIGNISSIMO

P. S. D.

CAR. CHRIST. AVG. SEBALD

IVR. CAND.

PRIMSLARIA VCARO - MARCHICVS

OPPONENS.

Illuxit, Vir Prænobilissime, exoptatus ac splendidus ille dies, quo publice summos in utroque Iure consequeris honores. Quid dignius, quid præclarius esse potest, quam in scientia, quæ iam a veteribus Iureconsultis divinarum humanarumque rerum scientia appellabatur, sibi summos acquirere honores! Gratissimo animo opponens provinciam quam bodierno die pro TVA erga me benevolentia mibi demandare voluisti, gerendam, suscipio, quamvis imbecillitatem virium mearum satis sentiam ac perspectam habeam. Quam ob causam meum esse puto, TIBI maiores vel ideo gratias agere, quod me isto honore dignum iudicaueris. De qua re uti maxima afficitur voluptate, ita ex animo TIBI gratulor, Vir Prænobilissime, de acquisita in Iurisprudentia præclara eruditione, quæ inter alia Et specimine Tvo de pollicitatione in primis in specie sic dicta satis superque elucet; gratulor quoque patriæ familiæque TVAE de membro dignissimo. Vota mea de TVA sempiterna salute Et incolumentate sane sunt ardentissima. Valeas semper, faveas mibi, atque TVAE benevolentiae me habeas commendatissimum. Dabam Ha- la prope Salam. d. XX. Februarii MDCCCLXXIX.

V I R O

V I R O
PRAENOBILISSIMO CONSULTISSIMOQUE
IVRIVM DOCTORANDO DIGNISSIMO

S. P. P.

LVDOV. FRIDER. FITZAV

IVR. CAND.

DESSAVIA - ANHALTINVS

OPPONENTS.

*N*escio sane Tibine magis, Vir doctissime, an mibi vero bo-
die gratulari debeam. TIBI omnino est gratulandum, & mul-
ta habeo, quae in laudem Tuam proferre possem, sed cum
merita TVA de Iurisprudentia iam sint satis nota, & hæc TVA
dissertatio præclarum eiusdem rei testimonium præbeat, laude
mea plane non indiges. Magno mibi honori duco summumque
percipio gaudium, quod opponentis spartam mibi demandare Tuae-
que doctrinæ me testimoniū existere volueris. Vices mibi demandatas,
quantum quidem in me est, explebo ac finito certamine nostro,
iterum sed coram TIBI gratulabor. Cæterum, amicitia TVA &
benevolentia ut me & in posterum prosequi velis, etiam atque et-
iam rogo. Vale! Dabam Hale Salicæ d. XX. Februarii
CIOCCCLXXVIII.
